

**Eallinfápmolávdegoddi****Áigi** 01.04.2022 dmu 12:00 - 12:58**Báiki** Elektriikalaš čoahkkin, Teams-heivehus**Gieđahallon áššit**

<b>§</b>	<b>Bajilčála</b>	<b>Siidu</b>
38	Čoahkkima lágalašvuohta ja mearridanváldi	3
39	Čoahkkima bargoortnega dohkkeheapmi	4
40	Beavdegirjedárkkisteaddjiid válljen	5
41	Ealáhusdoaimma ruhtadoalu ja dili birra oanehaččat	6
42	Prošeaktahoavda, Ohcejoga ráhkadusnuppástusa koordineren -prošektii	7
43	Prošeaktahoavdda válljen uYrityš -Ohcejoga eallinfámolaš fitnodagat ja bargoveahka -prošektii	9
44	Dieđiheaddji/ gulahallanáššedovdi, uYrityš - Ohcejoga eallinfámolaš fitnodagat ja bargoveahka -prošektii	11
45	Ráhkadusnuppástusfitnuid mearreáigásaš prošeaktakoordináhtora válljen	13
46	Gieldalašálgga Deanu árbevirolaš luossabivdokulturguovddáža vuodđudeapmin	17
47	Áššit diehtun	20
48	Bargojoavkku nammadeapmi Sámi giellaguovddáža doaimma ovddideapmin	21
49	Eará áššit	22

**Oasseváldit**

	Namma	Dmu	Bargu	Lassidieđut
Mielde	Konttinen Pirjo	12:00 - 12:58	Ságadoalli	
	Länsman Arvi	12:00 - 12:58	Várreságadoalli	
	Laiti Niila	12:00 - 12:58	Lahttu	
	Niittyvuopio Anni-Sofia	12:18 - 12:58	Lahttu	
	Guttorm Väinö	12:00 - 12:58	Gielddaráđdehusa sd	
	Niittyvuopio-Valle Laura	12:00 - 12:58	Gielddaráđdehusa ovddasteaddji	
	Pieski Taina	12:00 - 12:58	Gielddahoavda, áššemeannudeaddji	
	Länsman Raimo	12:00 - 12:58	Beavdegirjedoalli	
	Sistonen Sonja	12:00 - 12:58	Turismavástideaddji	
	Eret	Rasmus Sebastian		Lahttu
Valle Petteri			Lahttu	
Pieski Maarit Kirsti			Lahttu	
Lukkari Maritta			Várrelahttu	
Vartiainen Tomi			Várrelahttu	
Manninen Terttu			Várrelahttu	
Roivas Osmo			Várrelahttu	
Guttorm Rauna			Várrelahttu	
Vuolab Birit			Várrelahttu	
Koutonen Iivari			Várrelahttu	
Aikio Eeva-Maarit			Ovddidanhoavda, áššemeannudeaddji	
Uino Siiri			Teknikkalaš čálli	
Jääskö Neeta			Tulka	

**Vuolláičállosat**

Pirjo Konttinen  
ságadoalli

Raimo Länsman  
beavdegirjedoalli

**Giedahallon áššit**

38 - 49

**Beavdegirji dárkkisteapmi**

Utsjoki 4.5.2022

Arvi Länsman  
beavdegirjedárkkisteaddji

Niila Laiti  
beavdegirjedárkkisteaddji

**Beavdegirji lea dollojuvvon albmosis**

Gielddadállu, guovddášdoaimmahat 05.04.2022 09:00

Minna Lukkari  
Almmuhantávvala dikšu

Beavdegirji dárkkisteaddjit:

Čoahkkima lágalašvuohta ja mearridanváldi

Eallfig § 38

**Evttohus:**

Gávnnavuvvo, ahte čoahkin lea lágalaččat čoahkkái bovdejuvvon ja mearridanválddálaš.

**Mearrádus:**

Gávnnavuvvui, ahte čoahkin lea lágalaččat čoahkkái bovdejuvvon ja mearridanválddálaš.

Anni-Sofia Niittyvuopio bođii čoahkkimii dán paragrafa gieđahallama áigge dmu 12.18.

Čoahkkima bargoortnega dohkkeheapmi

Eallfig § 39

**Evttohus:**

Eallinfápmolávdegoddi dohkkeha áššiid gieđahallanortnega evttohuslisttu mielde.

**Mearráduš:**

Ságadoalli evttohii, ahte lasseáššin gieđahallo bargojoavkku nammadeapmi Sámi giellaguovddáža doaimma ovddideapmin.

Eallinfápmolávdegoddi dohkkehii áššiid gieđahallanortnega evttohuslisttu mielde oktan ovddabealde máinnašuvvon lasseáššiin.

Beavdegirjedárkkisteaddjiid välljen

Eallfig § 40

**Evttohus:**

Válljet čoahkkimii guokte (2) beavdegirjedárkkisteaddji.

**Mearrádus:**

Beavdegirjedárkkisteaddjin välljejuvvuiga Arvi Länsman ja Niila Laiti.

Ealáhusdoaimma ruhtadoalu ja dili birra oanehaččat

Eallfig § 41

Ovddidan- ja ealáhusdoaimma muitala lávdegoddái oanehaččat ruhtadoalu ja dili birra.

**Evttohus:**

Ruhtadoallu ja dili buktojuvvojit lávdegoddái diehtun.

**Mearrádus:**

Ruhtadoallu ja dili buktojuvvojedje lávdegoddái diehtun.

Prošeaktahoavda, Ohcejoga ráhkadusnuppástusa koordineren -prošektii

81/00.01.05/2021

Eallfig § 42

Ohcejoga ráhkadusnuppástusa koordineren -prošeavtta prošeaktahoavdda báiki leamašan rabas 8.3. – 23.3.2022 Kuntarekrys, te-bálvalusaid neahttasiidduin, Inarilainen-aviissas ja gieldda virggálaš almmuhantávvalis. Ovddidan- ja ealáhushoavda lea válmmaštallan ohcanalmmuhusaid ja välljen evttohasaid jearahallamii lávdegotti mearrádusa (20 § 17.2.2022) mielde. Jearahallamat dollojuvvojit 28.3 – 1.4. Lávdegotti lahttut bovdejuvvojit jearahallamiidda (20 §, 17.2.2022).

Prošeavtta ulbmilin lea koordineret Ohcejoga ráhkadusnuppástusollisvuoda ja dasa laktáseaddji prošeavttaid ja doaimmaid. Doaimmabijut leat ee. čuovvovaččat:

- Ráhkadusnuppástusa plána beaiváduvvo, plánet ja álggahit prošeavttaid.
- Koordineret ráhkadusnuppástusollisvuhtii laktáseaddji prošeavttaid ja doaimmaid.
- Ráhkadit viiddis fierpmádatovttasbargguin ođđa boahttevuodašvuođa Ohcejoga eallinfámolašvuodas.
- Ollašuhttit boahttevuodaforumas, mas ovttaš áššedovdiiguin hukset 5-8 iešguđet temá bokte boahttevuodašvuođa Ohcejoga eallinfámolašvuoda iešguđet osiin.
- Dieđihit nuppástusa ja ođđa vejolašvuodaid birra. Ovddidit guovllu imago nu ahte dat vástida nuppástusa ja ollašuhttit olles guovllu márkánastima gieldda kanálain ja mediaovttasbargguin.

Prošektii bálkáhuvvo prošeaktahoavda 100 % bargoaiggiin.

Prošeaktahoavdda bargu eaktuda bajit allaskuvladutkosa, erenomáš čálalaš ja njálmmálaš suomagiela sihke buori eangalasiela máhtu, hárvánumi prošeavttaide vuodđuduvvi ovddideamis ja fitnodagaid doaimmanbirrasa ovddideamis. Bargu gáibida viiddis ollisvuodaid áddejumi, erenomáš oktasašbargodáidduid ja návccaid hukset ja ovddidit fierpmádagaid. Báikkálašdovdamuš, márkánastinčehppodat ja guovloovddidanmáhttu dorjot barggu dikšuma. Bargu sáhtta sisttisoallat bargguid eahkedis ja vahkkoloahpáin sihke eaktuda mátkkošteami ja dan dihtii biilla geavahanvejolašvuoda. Prošeavttas lea geavahusas dieđiheaddji/gulahallanáššedovdi bargoarja ja oastinbálvalussan áššedovdičehppodat.

Prošeakta álgá nu jođánit go vejolaš ja nohká dálá dieđu mielde 31.10.2023 (18 mb). Báiká GVBES:a ja prošeaktaplána mielde. Rekryteren ollašuhtto evttolaččan, dasgo prošeaktamearrádus ii leat vel dahkon.

Oza manjmuštá 23.3.2022 kuntarekry bokte dáppe. Ohcamušaid sáhtta doaimmahit maiddá poastta mielde čujuhussii Ohcejoga gielda, PL 41, 99981 Ohcejohka. Ohcamušat galget ollet vuostáiváldái ohcanáiggi siste.

Beasat oahpásmuvvat Ohcejoga ráhkadusnuppástusollisvuhtii buorebut dáppe(<https://www.utsjoki.fi/yrittajalle/arm/>). Lassedieđu proševtta ja bargguid birra addá gieldda Ovddidan- ja ealáhushoavda vahkus 10 sihke 21-22.3.

### **Evttohus:**

Evttohus dievasmahtto Teamsii jearahallamiid manjá ovdal lávdegotti čoahkkima.

### **Dievasmahtton evttohus:**

Prošeaktahoavdan Ohcejoga ráhkadusnuppástusa koordineren - prošeaktii válljejuvvo Taru Lindell ja várresadjái Siiri Uino.

### **Mearrádus:**

Dohkkehuvvui evttohusa mielde.



Prošeaktahoavdda válljen uYritys -Ohcejoga eallinfámolaš fitnodagat ja bargoveahka - prošeaktii

96/00.01.05/2021

Eallflg § 43

uYritys - Ohcejoga eallinfámolaš fitnodagat ja bargoveahka - prošeavtta prošeaktahoavdda báiki leamašan rabas 8.3. – 23.3.2022 Kuntarekrys, te-bálvalusaid neahttasiidduin, Inarilainen-aviissas ja gieldda virggálaš almmuhantávvalis. Ovddidan- ja ealáhushoavda lea válmmaštallan ohcanalmmuhusaid ja válljen evttohasaid jearahallamii lávdegotti mearrádusa (20 § 17.2.2022) mielde. Jearahallamat dollojuvvojit 28.3 – 1.4. Lávdegotti lahttut bovdejuvvojit jearahallamiidda (20 §, 17.2.2022).

Ohcanalmmuhus:

Prošeaktahoavda, uYritys - Ohcejoga eallinfámolaš fitnodagat ja bargoveahka -prošeaktii

Prošeavtta ulbmilin lea doarjut báikkálaš fitnodagaid das, ahte dat ožžot návccaid sajáiduvvat njuovžilit ráhkadusnuppástussii sihke muddet ja čuozihit doaimma ođđa doaibmanbirrasa dárbbuid ja vejolašvuodaid mielde. Lassin doarjut maiddái ođđa fitnodatdoaimma doaibmaneavttuid.

Prošeakta ollašuhthto viđa doaibmabidjoollisvuoda hámis:

1: Fitnodatforum – fitnodagaid jođiheami ovddideapmi nuppástuvvi diliš fierpmádatovttasbarggu vehkiin

2: Čeahpes bargoveahka – rekryteremii laktáseaddji čehppodat ja bargoveaga čehppodaga ovddideapmi

3: Bargoburesveadjin –bargoburesveadjinjođiheapmi sihke konkrehtalaš bargoneavvut bargoburesveadjima ovddideapmái

4: Bálvalusbálgá ráhkadeapmi mainna doarjut čehppodaga ovddideami ja bargoveaga háhkama.

5: Gulahallan ja dieđiheapmi -prošeavtta temáide laktáseaddji dieđu juohkin, bargiid rekryteremii laktáseaddji gulahallančehppodaga ovddideapmi ja prošeavtta siskkáldas dieđiheapmi

Prošeaktii bálkáhuvvo prošeaktahoavdda lassin maiddái dieđiheaddji/gulahallanáššedovdi 75 % (dieđiheaddji báiki lea ohcanláhkai, ja bargui beassá oahpásmuvvat dáppe), ja prošeaktakoordináhtor 20 % bargoárjjain.

Prošeaktahoavdda bargu eaktuda bajit allaskuvladutkosa, erenomáš čálalaš ja njálmmálaš suomagiela sihke buori eaŋgalasgiela máhtu, hárrjánumi fitnodagaid doaibmanbirrasa ovddideamis ja prošeaktalágan barggus. Barggu ceavzilis dikšun eaktuda viiddis ollisvuodaid áddema, máhtu organiseret beaktilit dasa laktáseaddji doaibmabijuid, erenomáš oktasašbargodáidduid, ja návccaid hukset

Beavdegirjii dárkkisteaddjit:

oktasašbargofierpmádagaid. Rekryterema ja bargoburesveadjima áššiid áddejupmi ja báikkálašdovdamuš dorjot barggu dikšuma. Bargu sáhtta sisttisoallat bargguid eahkedis ja vahkkoloahpain sihke eaktuda mátkkošteami ja dan dihtii biilla geavahanvejolašvuođa.

Prošeakta álgá nu jođánit go vejolaš ja nohká dálá dieđu mielde 31.10.2023 (18 mb). Prošeaktahoavdda bargu devdojuvvo 100 % bargoarjjain. Bálká GVBES:a ja prošeaktaplána mielde. Rekryteren ollašuhtho evttolašžan, dasgo prošeaktamearrádus ii leat vel dahkkon.

Oza manjimuštá 23.3.2022 kuntarekry bokte dáppe. Ohcamušaid sáhtta doaimmahit maiddá poastta mielde čujuhussii Ohcejoga gielda, PL 41, 99981 Ohcejohka. Ohcamušat galget leat ollen vuostáiváldái ohcanáiggi siste.

Lassediehtu ráhkadusnuppástusollisvuođa birra, mii lea jođus Ohcejoga gielddas, gávdno dáppe. Lassedieđu prošeavtta ja bargguid birra addá gieldda Ovddidan- ja ealáhusuoavda vahkus 10 sihke 21-22.3.

Lassedieđut:  
Eeva-Maarit Aikio  
Ovddidan- ja ealáhusuoavda  
eeva-maarit.aikio@utsjoki.fi  
Tel. +358400 151 294

### **Evttohus:**

Evttohus dievasmahtto Teamsii jearahallamiid manjá ovdal lávdegotti čoahkkima.

### **Dievasmahtton evttohus:**

Prošeaktahoavdan uYritys - Ohcejoga eallinfámolaš fitnodagat ja bargoveahka -prošektii välljejuvvo Petri Hämäläinen.

### **Mearrádus:**

Dohkkehuvvui evttohusa mielde.

Dieđiheaddji/gulahallanáššedovdi, uYrityš - Ohcejoga eallinfámolaš fitnodagat ja bargoveahka -prošektii

96/00.01.05/2021

Eallflg § 44

uYrityš - Ohcejoga eallinfámolaš fitnodagat ja bargoveahka - prošeavtta dieđiheaddji/gulahallanáššedovdi báiki leamašan rabas 8.3. – 23.3.2022 Kuntarekryš, te-bálvalusaid neahttasiidduin, Inarilainen-aviissas ja gieldda virggálaš almmuhantávvalis. Ovddidan- ja ealáhusuovda lea válmmaštallan ohcanalmmuhusaid ja válljen evttohasaid jearahallamii lávdegotti mearrádusa (20 § 17.2.2022) mielde. Jearahallamat dollojuvvojit 28.3 – 1.4. Lávdegotti lahttut bovdejuvvojit jearahallamiidda (20 §, 17.2.2022).

Ohcanalmmuhus

Dieđiheaddji/ gulahallanáššedovdi, uYrityš - Ohcejoga eallinfámolaš fitnodagat ja bargoveahka -prošektii

uYrityš Ohcejoga eallinfámolaš fitnodagat ja bargoveahka - prošeavtta ulbmilin lea doarjut báikkálaš fitnodagaid gávdnat návccaid sajáiduvvat njuovžilit ráhkadusnuppástussii sihke muddet ja čuozihit doaimmaid ođđa doaibmabirrasa dárbbuid ja vejolašvuodaid mielde. Lassin doarjut maiddái ođđa fitnodatdoaimma doaibmaneavttuid.

Prošeakta ollašuhtto viđa doaibmabidjoollisvuoda hámis:

1: Fitnodatforum – fitnodagaid jođiheami ovddideapmi nuppástuvvi diliš fierpmádatovttasbarggu vehkiin

2: Čeahpes bargoveahka – rekryteremii laktáseaddji čehppodat ja bargoveaga čehppodaga ovddideapmi

3: Bargoburesveadjin –bargoburesveadjinjođiheapmi sihke konkrehtalaš bargoneavvut bargoburesveadjima ovddideapmái

4: Bálvalusbálgá ráhkadeapmi mainna doarjut čehppodaga ovddideami ja bargoveaga háhkama.

5: Gulahallan ja dieđiheapmi -prošeavtta temáide laktáseaddji dieđu juohkin, bargiid rekryteremii laktáseaddji gulahallančehppodaga ovddideapmi ja prošeavtta siskkáldas dieđiheapmi

Prošeavttas bargá dieđiheaddji/gulahallanáššedovdi (75 %) lassin prošeaktahoavda (100 %) sihke prošeaktakoordináhtor (20 %) bargoárjjain.

Dieđiheaddji / gulahallanáššedovdi barggu gáibádussan lea allaskuvladutkkus sihke hájánupmi prošeavtta gulahallanbargguid sierra osiin: Dieđiheaddji vástida prošeavtta siskkáldas ja olgguldas dieđiheamis, buvttada prošektii laktáseaddji materiála, rávamateriálaid ja čehppodaga lasiheapmái laktáseaddji gulahallama sihke skuvle fitnodateagáidid gulahallanáššiin. Son

Beavdegirjii dárkkisteaddjit:

lea nannosit mielde prošavtta doaibmabijuin prošaktahoavdda bargopárran. Barggu dikšun gáibida viiddis oainnu, iešheanalašvuoda, erenomáš gulahallandáidduid ja gulahallanreaidduid ja -kanálaid hálddašemi, sosiála luonddu ja erenomáš buriid oktasašbargodáidduid. Hárjánupmi fitnodagaid gulahallamis sihke geasuhan- ja bisuhanfápmogulahallamis veahkehit barggu dikšuma. Bargu sáhtta sisttisoallat bargguid eahkedis ja vahkkoloahpain sihke eaktuda mátkkošteami ja dan dihtii biilla geavahanvejolašvuoda. Bargu sisttisoallá 25 % bargoárjja nuppi prošavttas (ráhkadusnuppástus koordineren - prošakta) báiki devdojuvvo olles 100 % bargoárjjain.

Prošakta álgá nu jođánit go vejolaš ja nohká dálá dieđu mielde 31.10.2023 (18 mb). Báiká GVBES:a ja prošaktaplána mielde. Rekryteren ollašuhhto evttolašžan, dasgo prošaktamearrádus ii leat vel dahkkon.

Oza manjimušta 23.3.2022 kuntarekry bokte dáppe. Ohcamušaid sáhtta doaimmahit maidái poastta mielde čujuhussii Ohcejoga gielda, PL 41, 99981 Ohcejohka. Ohcamušat galget ollet vuostáiváldái ohcanáiggi siste.

Beasat oahpásmuvvat Ohcejoga ráhkadusnuppástusollisvuhtii buorebut dáppe.

Lassedieđu prošavtta ja bargguid birra addá gieldda Ovddidan- ja ealáhushoavda vahkus 10 sihke 21-22.3.

### **Evttohus:**

Evttohus dievasmahtto Teamsii jearahallamiid manjá ovdal lávdegotti čoahkkima.

### **Dievasmahtton evttohus:**

Báiki biddjojuvvo ođđasit ohcanláhkai.

### **Mearrádus:**

Dohkkehuvvui evttohusa mielde.

Eallinfápmolávdegoddi	§ 16	17.02.2022
Eallinfápmolávdegoddi	§ 32	10.03.2022
Eallinfápmolávdegoddi	§ 45	01.04.2022

---

Ráhkadusnuppástusfitnuid mearreáigásaš prošeaktakoordináhtora välljen

13/01.01/2022

Eallflg § 16

Ealáhusdoaimmas leat álgimin mánggat prošeavttat oassin ráhkadusnuppástusollisvuoda. Dáidda prošeavttaide leat várrejuvvon mearreruđat prošeaktakoordináhtoriidda nu, ahte bargoáigi juohkása mángga prošeavtta gaskka. Prošeaktakoordináhtor doaibmá ráhkadusnuppástusjodiheadji bargopárran uKoordinaatio -prošeavttas sihke eará prošeavttaid prošeaktahoavddaid doarjjan prošeaktaplánaid mielde.

Hálddahusnuolggadusa 42 § mielde gielddaráđdehus ja lávdegottit mearridit sin vuollásaš virgehálldašeaddjiid ja bargiid välljemis ja eret cealkimis.

Prošeaktakoordináhtora báikki galggašii bidjat rabas farggamusat, go prošeavttat leat juo álgimin 1.3.2022 rájes ja dál prošeaktakoordináhtora bargoarja gáibiduvvo dain gitta 31.12.2023 rádjai. Mearreáigásaš prošeaktakoordináhtora ohcanalmmuhusas lea válmmaštuvvon čuovvovaš hámus:

#### MEARREÁIGÁSAŠ PROŠEAKTAKOORDINÁHTOR RÁHKADUSNUPPÁSTUSPROŠEAVTTAIDE 1.4.2022 - 31.12.2023

Ohcejoga gielddas lea jođus ráhkadusnuppástusproseassa. Deanu guolástanráddjehusat sihke korona váikkuhusat erenomážit riikkaidgaskasaš mátkkošteapmái ja rádjegávpái leat heajosmahttán sakka fitnodagaid doaibmaeavttuid guovllus.

Ráhkadusnuppástusproseassa ulbmilin lea doarjut erenomážit iešguđet ealáhusaid doaibmaeavttuid ja ođđa fitnodatdoaimma šaddama guovllus, muhto maiddá gieldda ássiid buresveadjima. Beaiváduvvon lassediehtu ráhkadusnuppástusas ja dasa laktáseaddji prošeavttaid birra: [www.utsjoki.fi/yrittajalle/arm](http://www.utsjoki.fi/yrittajalle/arm)

Mii bálkáhít mearreáigásaš prošeaktakoordináhtora doarjut ráhkadusnuppástusa koordinerema ja dasa laktáseaddji prošeavttaid doaimma ja hálldašeami. Prošeavttaide bálkáhuvvojít prošeaktahoavddat, geaid veahkkin prošeaktakoordináhtor bargá. Bargu sisdoallá eanáš iešguđetlágan dilálašvuodaid ja doaibmabijuid plánema ja praktihka ordnemiid sihke viiddis gulahallama ja čanastatjoavkogulahallama prošeaktaplána mielde. Dasa lassin prošeaktakoordináhtor lea mielde prošeavttaid doaibmabijuid plánemis sihke prošeaktahálldašeamis ja mávssihemiid válmmaštallamis.

Eallinfápmolávdegoddi	§ 16	17.02.2022
Eallinfápmolávdegoddi	§ 32	10.03.2022
Eallinfápmolávdegoddi	§ 45	01.04.2022

---

Leat sosiála ja nagodat bargat sihke iešheanalaččat ja ovttas earáiguin sohppojuvvon ulbmiliid mielde. Doaibmabijuid plánen ja organiseren sihke gulahallama plánen leat dutnje oahpes ja miela miel barggut. Movttáskat ođđa hástalusain ja ođđa áššiid oahppamis. Leat dárkil ja systemáhtalaš. Gierddat bures streassa, hálddašat bures hoahpu, mii sáhtta šaddat gaskkohagaid, ja dan ahte bargu sisttisdoallá iešguđetlágan barggaid.

Barggu ceavzilis dikšun eaktuda

- heivvolaš allaskuvladutkosa
- erenomáš čálalaš ja njálmmálaš suomagiela máhtu
- erenomáš čálalaš ja njálmmálaš eangalasiela máhtu
- bargohárjálumi EU-prošeavttain
- buriid gulahallandáidduid (ee. dieđáhusat, neahttasiidduid bajásdoallan, sosiála media, fierpmádatgulahallan)

Erenomáš ovdun lea sámeigiela máhtu. Ohcejoga gielda máksá sámegeallasi 100-150 euro/mánobadji.

Bargobáiki lea Ohcejogas. Bargu lea vejolaččat maiddái eahkedis ja vahkkoloahpain. Bargu lea mearreáigásaš 1.4.2022 - 31.12.2023. Barggus čuvvojuvvo 3 mánobaji geahččalanáigi. Bálká lea 3000 euro mánobajis. Ohcamušaid mildosiiguin galgá doaimmahit 3.3.2022 dmu 12 rádjai [www.kuntarekry.fi](http://www.kuntarekry.fi) työpaikka xxxxxx.

Lassedieđut:

Ovddidan- ja ealáhushoavda

Eeva-Maarit Aikio

[eeva-maarit.aikio@utsjoki.fi](mailto:eeva-maarit.aikio@utsjoki.fi)

0400 151294

<http://www.utsjoki.fi>

### **Evttohus:**

Mearreáigásaš prošeaktakoordináhtora bargu biddjo ohcanláhkai áigodahkii 17.2. – 3.3.2022 dmu 12:00 ovdanbuktinteavstta ohcanalmuhusa mielde. Ohcangulahuš almmustahtto gieldda almmuhantávvalis, kuntarekrys, te-bálvalusain, gieldda neahttasiidduin ja Inarilainen -aviissas (23.2).

Lávdegoddi delegere válljenmearrádusa dahkama ovddidan- ja ealáhusovdii.

### **Mearrádus:**

Mearreáigásaš prošeaktakoordináhtora bargu biddjo ohcanláhkai áigodahkii 17.2. – 3.3.2022 dmu 12:00 ovdanbuktinteavstta

Eallinfápmolávdegoddi	§ 16	17.02.2022
Eallinfápmolávdegoddi	§ 32	10.03.2022
Eallinfápmolávdegoddi	§ 45	01.04.2022

---

ohcanalmmuhusa mielde. Ohcangulahus almmustahtto gieldda almmuhantávvalis, kuntarekrys, te-bálvalusain, gieldda neahttasiidduin ja Inarilainen -aviissas (23.2).

Lávdegoddi dahká válljenmearrádusa.

#### Eallflg § 32

Prošeaktakoordináhtora mearreáigásaš bargu leamašan rabas 18.2 - 3.3.2022. Mearreáigái bohte 3 ohcamuša, main 3 devde gelbbolašvuodagáibádusaid. Ovddidan- ja ealáhushoavda lea jearahallan 3 ohcamušbáhpáriid vuođul buoremus ohcci ovttas lávdegotti ságajođiheaddjiin 7.3.2022.

#### **Evttohus:**

Ovddidan- ja ealáhathoavda dahká evttohusa jearahallamiid maŋŋá. Lávdegoddi vállje prošeaktakoordináhtora ja ovtta várresadjái.

#### **Mearrádus:**

Ášši gieđahallan sirdojuvvo čuovvovaš čoahkkimii.

#### Eallflg § 45

Prošeaktakoordináhtora mearreáigásaš bargu leamašan rabas 18.2 - 3.3.2022. Mearreáigái bohte 3 ohcamuša, main 3 devde gelbbolašvuodagáibádusaid. Ovddidan- ja ealáhushoavda lea jearahallan 3 buoremus ohcci ohcamušbáhpáriid vuođul ovttas lávdegotti ságajođiheaddjiin 7.3.2022.

#### Ođđa válmmaštallan

Ášši gieđahallan sirdojuvvui čuovvovaš čoahkkimii, eaige jearahallamat lean dahkkon árat ovdanbuktinteavstta mielde.

Prošeaktakoordináhtora mearreáigásaš bargu leamašan rabas 18.2 - 4.3.2022. Mearreáigái bohte 3 ohcamuša, main 3 devde gelbbolašvuodagáibádusaid. Jearahallamat dollojuvvojit 24.-30.3.

#### **Evttohus:**

Evttohus dievasmahtto Teamsii jearahallamiid maŋŋá ovdal lávdegotti čoahkkima.

Eallinfápmolávdegoddi	§ 16	17.02.2022
Eallinfápmolávdegoddi	§ 32	10.03.2022
Eallinfápmolávdegoddi	§ 45	01.04.2022

---

**Dievasmahtton evttohus:**

Ráhkadusnuppástusprojeavttaid mearreáigásaš  
projeaktakoordináhtorin válljejuvvo Siiri Uino ja várresadjái Anne  
Forsell.

**Mearrádus:**

Dohkkehuvvui evttohusa mielde.



Giieldaráđdehus	§ 49	28.02.2022
Eallinfápmolávdegoddi	§ 46	01.04.2022

---

Giieldalašálgga Deanu árbevirolaš luossabivdokulturguovddáža vuodđudeapmin

35/09.02/2020

Gr 28.02.2022 § 49

Anssi Eloranta ja Veikko Guttorm leaba dahkan evttohusa, ahte Ohcejoga gielda álgá dárbbášlaš doaibmabijuide Deanu árbevirolaš luossabivdokulturguovddáža vuodđudeapmin Ohcejohkii ja girje min álgaga deattuhansuorgin ođđa gieldastrategijai.

Álgaga ákkat ja teaksta:

Deatnu lea Atlántta luosa ja dan bivddu stuorámuš ja čábbáseamos ovdamearkajohka. Deanu luossabivdu lea goittotge dál mannamin čađa historjjálaččat stuorra nuppástusaid. Luosa lassin buolvvas buvvi sirdášan árbediehtu lea maid áitojuvvon.

Suomas ii gávdno dál oktage luossabivdokultuvrii čikŋon spesiálmusea dahje čájáhus dego Ruota Laxens Hus dahje Norgga Namsen Salmon Aquarium. Sámemusea Siidii Anárii leat vurkejuvvon moattit luossabivdogálvvut maidái Deanuleagis.

Ohcejoga gieldda idjadan- ja restoráŋŋainfra lea čielgasit beaggimin. Koronaepidemija geažil maidái earát go luossabivdit gávdne Ohcejoga. Danin dábálaš mátkkošteaddjái galggašiige johtilit ráhkadit dakkár luondomátkkoštan- ja kulturoaidnámušaid, mat nuppe dáfus bissehit mátkkálačča ja nuppe dáfus duvdet guovllu kulturárbevieru seailuma. Okta lunddolamos Ohcejoga gieldagovvii heivvolaš oaidnámušain livččii Deanu luossabivdui vuodđuduvvi árbevierroguovddáš.

Munno álgaga jurdda ii leat ođas, muhto mannu sivas dan ovdánahttimii eai leat biddjon návccat ášši eaktudan vuogi mielde. Moai hálidetne, ahte Ohcejoga gielda čatnasa álggaulbmilii ja váldá dehálaš vuosttas lávkki ášši ovdáneami hárrái. Dát lea vealtameahtun, vai prošeakta sáhtášii ovdánit bures ja oažžut dárbbášuvvon ruhtadeami. Deanu luossabivdoárbevierroguovddáš ii suige gilval Siiddain, muhto livččii dan spesiálačájáhus, man Siida koordinerešii ja jodihivččii, muhto mii fysalaččat livččii Ohcejogas.

Álgaga dáfus fuomášan veara lea maidái johkaleagi ássiid dáhttu. Deanu stággobivddu giedahalli historjagirjji jearahallamiid oktavuodas nanusmuvai oaidnu das, ahte gildii háliduvvo Deanu iežas luossabivdoárbevieru guovddáš. Ohcejogas gávdnojit ollu maidái fáddái laktáseaddji, museálalaččat mávssolaš gálvvut ja govvamateriálat. Jearahallamiin bođii ovdan, ahte materiáloid oamasteaddjit leat gárvásat addit luossabivdoriggodagaidis

Beavdegirjji dárkkisteaddjit:

Giieldaráđdehus

§ 49

28.02.2022

Eallinfápmolávdegoddi

§ 46

01.04.2022

Ohcejoga čájáhusguovddáži, muhto eai eará sadjái. Mánnggat jearahalliin háliidivčče maiddá ahte Siidda Deatnu-gálvvut máhcahuvvojit “ruoktot”.

Álggamuttus ii leat viissis menddo dárkilit linnjet Deanu luossabivdoárbevieru guovddáža hámi, dan dárkilis meroštallan gullá gieldda čatnasanmearrádusa maŋŋásaš doaimmaide. Dušše gálvvuide vuođđuduvvi museas ii sihkarit leat sáhka, baicce dárbbasuvvo doaimbanbiras, mii atná ođđa museateknihkaid ja molsasuvvi čájáhusaid. Museálalaččat mearkkašahhti gálvvuidd bidjan lohku ja govven heivejit lunddolaččat Siidda ja/dahje Suomen Kalastusmuseoyhdistys -searvi doaimmagovvii. Buoremus geavadiid gánneha čohkket seammalágan museain ja guovddážiin, mat doibmet máilmmis, ja dievasmahttit daid deatnulaš vugiiguin.

Ođđa luossabivdoárbevieru guovddáža lihkestuvvama vuođđoeaktun lea fuolalaš plánen, oktavuodaid čatnan sihke viiddis ja dihtomielalaš oktasašbargu eará museaiguin, main leat guolástančoakkáldagat, ja maiddá dieđamáilmiin. Gielda dárbbasa prošeaktaguobmin ovdamearkan Suoma Sámiid álbmotmusea Siidda, Meahcceráđdehusa, Luke, EBJ sihke dieđusge sin, geat ieža ellet ja leat eallán luossabivdokultuvrras.

#### **Evttohus:**

Giieldaráđdehusa mielas prošeakta lea dehálaš ja dan galgá ovddidit. Giieldaráđdehus sirdá ášši válmmaštallama eallinfápmolávdegoddi.

#### **Mearrádus:**

Evttohus dohkkehuvvui.

#### **Eallflg § 46**

Álgaga oažžuma áigge ealáhusdoaimmas lei oassin ráhkadusnuppástusollisvuođa válmmaštallama vuolde prošeaktaplána luossaárbevieru vurkema ja ávkástallama hárrái. Go fáddá heive bures gažaldatvuloš prošeaktii, gielddahoavda Vuokko Tieva-Niittyvuopio ja ovddidan- ja ealáhushoavda čoahkkimasttiiga álgaga birra ovttas Anssi Elorantain 19.11.2021. Čoahkkima ja maiddá eará áššái guoski ságastallama vuođul “Sápmelaš kulturárbbi nannen Deanuleagis” -prošeavtta, guhte lea jođus, ulbmiliidda ja doaimbajuiide čállojuvvui:  
- Ulbmilin lea maiddá čielggadit luossamusea vuođđudanvejolašvuođaid ja vejolaš ollašuttinhámi (árbevirolaš, digi, hybrida).

Giieldaráđđehus	§ 49	28.02.2022
Eallinfápmolávdegoddi	§ 46	01.04.2022

---

- Ordnet 2-4 bargobáji luossamusea vuodđudaneavttuid čielggadeami várás. Bovdet fáddái laktáseaddji organisašuvnnaid ovddasteaddjiid ja báikkálaš olbmuid.

Prošeakta dahká vejolažžan plánenbarggu álggaheami farggamusat, iešguđet doaimmabeliid gullama ja vuodđudanvejolašvuodaid čielggadeami. Prošeavtta bagadallijovkui bovdjuvvui mielde Sámemusea SIIDDA ovddastus. Dán válmmaštallanbarggus čuvgehusdoaimmas ja čuvgehuslávdegottis galggašii leat nana rolla. Mائدái čuvgehusdoaimmas lea ovddasteaddji prošeavtta bagadanjoavkkus.

#### **Evttohus:**

Biddjojuvvo diehtun.

#### **Mearrádus:**

Biddjojuvvui lávdegoddái diehtun.

Juohkin      Anssi Eloranta  
                  Veikko Guttorm  
                  Pii Nuorgam  
                  Virpi Veskonieni

Áššit diehtun

Eallfig § 47

**SISABOAHTÁN:**

-Gielddaráđđehus 28.02.2022, §26 Váldostivrra 31.1.2022

čoahkkima ollašuhttin

- Gielddaráđđehus 28.02.2022, §29 Gieldda almmuhusaid diehtun bidjan jagis 2022

- Gielddaráđđehus 28.02.2022, §30 Bušeahhtaárvalusa ollašuhttin - rávvagat jahkái 2022

- Gielddastivra 28.02.2022, §35 Váldostivraálgga,

Mohtorgielkáluodda Gáregasnjárga-Ohcejohka

- Gielddaráđđehus 28.02.2022, §36 Váldostivraálgga, Sámegeiellalasi máksin Ohcejoga gieldda bargiide

- Gielddaráđđehus 28.02.2022, §49 Gieldalašálgga Deanu árbevirolaš luossabivdokulturguovddáža vuodđudeapmin

**Evttohus:**

Dieđihanáššit buktojuvvojit lávdegoddái diehtun.

**Mearrádus:**

Dieđihanáššit buktojuvvojedje lávdegoddái diehtun.

Eallinfápmolávdegoddi	§ 30	10.03.2022
Eallinfápmolávdegoddi	§ 48	01.04.2022

---

Bargojoavkku nammadeapmi Sámi giellaguovddáža doaimma ovddideapmin

92/00.01.05/2021

Eallflg § 30

Deanuleagis sámástit -fitnu oktan ulbmilin lea vuodđudit Ohcejohkii giellaguovddáža. Giellaguovddáža doaimmas lea dahkkon álgoplána fidnu oassin (lassemateriála). Čuovvovaš muttus galgá ságastallat giellaguovddáža organiseremis ja doaimmas sierra hálddašangottiid ja gieldda doaimmaid geahččanguovllus. Dása evttohuvvo bargojoavkku vuodđudeapmi, mas lea daid doaimmaid ovddastus, maida giellaguovddáža doaimma erenomážit gusto.

#### **Evttohus:**

Eallinfápmolávdegoddi vuodđuda bargojoavkku Sámi giellaguovddáža doaimma ovddideapmin.

Eallinfápmolávdegoddi bivdá čuovvovaččaid nammadit 1-4 bargiid ovddasteaddji bargojovkui: gielddaráđđehus, čuvgehusdoaimma ja dan vuollásaš doaimmat, vuodđodorvu ja dan vuollásaš doaimmat sihke teknikkalaš doaimma.

Ealáhusdoaimma oasil bargojovkui oassálastet ovddidan- ja ealáhushoavda ja ealáhusčáli. Dasa lassin bargojovkui oassálastet Deanuleagis sámástit -fitnu prošeaktahoavda, mánggagielatáššedovdi ja dieđiheaddji.

#### **Mearrádus:**

Ságadoalli evttohii, ahte ságadoalliin lea mieldeorrunvuoigatvuohta bargojoavkkus.

Dohkkehuvvui evttohusa mielde oktan ságadoalli lasáhusain.

Eallflg § 48

#### **Mearrádus:**

Eallinfápmolávdegoddi nammadii bargojoavkku ságadoalliin gielddaráđđehusa ságadoalli Väinö Guttorm.

Eará áššit

Eallfig § 49

**Mearrádus:**

Eai eará áššit. Ságadoalli loahpahii čoahkkima dmu 12.58.

**Nuppástusohcangildosat**

<b>Gildosiid vuđđosat</b>	Čuovvovaš mearrádusain ii oaččo dahkat giieldalága 136 § mielde vuigengáibádusa iige gieldaváidaga, dasgo mearrádus guoská dušše válmmaštallama dahje ollašuttima: Paragráfat 38,39,40,41,44,46,47,49
	Dasgo mearrádusas sáhtá dahkat giieldalága 137 § 1 mom. mielde čálalaš vuigengáibádusa, de čuovvovaš mearrádusaide ii oaččo ohat nuppástusa váidimiin: Paragráfat 42,43,45,48
	Hálddahusgearregastinlága (Hallintolainkäyttöl) 5 § / eará lánkaásahusa mielde čuovvovaš mearrádusaide ii oaččo ohat nuppástusa váidimiin. Paragráfat ja váidingildosiid vuđđosat

**Vuigengáibádusrávvagat**

<b>Vuigen-gáibádus-virge-oapmahaš ja váidináigi</b>	Čuovvovaš mearrádusaide duhtameahtun sáhtá dahkat čálalaš vuigengáibádusa. Virgeoapmahaš, masa vuigengáibádus dahkkojuvvo, čujuhus ja poastačujuhus:  <b>Utsjoen elinvoimalautakunta, PL 41, 99981 Utsjoki</b>  Paragráfat 42,43,45,48  Vuigengáibádusa galgá dahkat 14 beavve geažes mearrádusa diehtunoažžumis. Vuigengáibádusáiggi rehkenasttedettiin diehtunoažžunbeaivi ii váldojuvvo lohku. Gieldda lahttu gehččojuvvo ožžon mearrádusas dieđu čieža beavve geažes das, go beavdegirji lea biddjon oaidnin lánkai almmolaš diehtofierpmádahkii.
<b>Vuigen-gáibádusa sisdoallu</b>	Vuigengáibádusas galgá boahit ovdan gáibádus oktan vuodustusaiguin ja dahkki galgá dan čállit vuollái.

**Váiddačujuhus**

<b>Váidda-virge-oapmahaš ja váidináigi</b>	Čuovvovaš mearrádusaide sáhtá ohat nuppástusa čálalaš váidagiin. Vuigengáibádusa geažil addojuvvon mearrádussii oažžu ohat nuppástusa gieldaváidagiin dušše dat, gii lea dahkan vuigengáibádusa. Jos mearrádus lea vuigengáibádusa geažil rievdan, oažžu mearrádussii ohat nuppástusa gieldaváidagiin maidái áššáiosolaš sihke gieldda lahttu.	
	Váiddavirgeoapmahaš, čujuhus ja poastačujuhus Pohjois-Suomen hallinto-oikeus Uksačujuhus: Isokatu 4, Oulu Poastačujuhus: PL 189 90101 OULU	
	Giieldaváidda, paragráfat	Váidináigi 30 beavvi
	Hálddahusváidda, paragráfat	Váidináigi beavvi
Eará váiddavirgeoapmahaš, čujuhus ja poastačujuhus	Paragráfa	Váidináigi beavvi  beavvi  beavvi
Váidináigi álgá mearrádusa diehtunoažžumis. Váidináiggi rehkenasttedettiin diehtunoažžunbeaivi ii váldojuvvo lohku.		

**Laktojuvvo beavdegirjái**

<b>Váiddagirji</b>	<p>Váiddagirjii galgá almmuhit</p> <ul style="list-style-type: none"> <li>- váidi namma, ámmát, ássangielda ja poastačujuhhus</li> <li>- mearrádus, masa ohcá nuppástusa</li> <li>- main osiin mearrádusas váidá ja nuppástus, man dasa gáibida dahkat</li> <li>- nuppástusgáibádusa ákkat</li> </ul> <p>Váiddagirjii galgá váidi dahje váiddagirjii eará ráhkadeaddji vuolláičállit. Jos dušše ráhkadeaddji lea vuolláičállán váiddagirjii, de das galgá máinnašit maiddá ráhkadeaddji namma, poastačujuhhus, ruovttugielda ja telefonnummir.</p> <p>Váiddagirjái galgá laktit mearrádusa, mas váidá, álgoálgosažžan dahje virggi beales riektadin duođaštuvvon kopijjan sihke duođaštusa das man beaivve mearrádus lea addojuvvon diehtun dahje eará čilgehusa áiggis, man rájes váidináigi galgá lohkkovvot.</p>
<b>Váidda-áššegirjiid doaimmaheapmi</b>	<p>Váiddaáššegirjiid galgá doaimmahit váiddavirgeoapmahažžii ovdal váidináigi nohkama. Jos váidináigi maŋimus beaivi lea bassebeaivi, iehčanasvuođabeaivi, válborebeaivi, juovla- dahje jonsotruohtta dahje árgalávvardat, de oážžu váiddaáššegirjiid doaimmahit váiddavirgeoapmahažžii vuosttas árgabeaivve dan maŋŋá. ležas ovddasvástádusain váiddaáššegirjiid sáhtá sáddet poastta dahje áirasa mielde. Postii váiddaáššegirjiid berre guođit nu árrat, ahte dat gerget boahit mearrebáikái ovdal go váidináigi nohká.</p> <p>Váiddaáššegirjiid sáhtá doaimmahit maiddá: namma, čujuhhus, poastačujuhhus Paragrát</p> <p>Váiddaáššegirjiid galgá doaimmahit 1): namma, čujuhhus, poastačujuhhus Paragrát</p>
<b>Lasse-dieđut</b>	<p><b>Dárkilis vuigengáibádusráva/váiddačujuhhus laktojuvvo beavdegirjeváldosii.</b></p>

<sup>1)</sup> Jos doaimmahuvvojit eará sadjái go váiddavirgeoapmahažžii.